



ВАРИ ХЪУГЪРУДАРИЗ ЯГЪУДАЙИН КАГЪАЗ

Гирами Рюгъну му кагъаз Ягъудайихъди фила ва шлин ччвурнахъ дибикІнайиб вуш аьгъдаршра, дидиъ улупнайи мяна ухъуз агъяхъуз. Исайихъ хъугънайидарикан сакъюдари чпин гъайгъу зигури ва Аллагъдин рягъимлуваликан улхури, чпин хъаІрайи гъулайсуз ва аькъюлсуз уьмур ккебкуз чарйир зигурайи. Ари гъацдарихъди Ягъудайи, юкІв хъипну, Аллагъдихъ хъугънайидариз дикъатлу йихъай кІура. Дурарихъан, чпин уткан дапІнайи улхбар-рахбариинди сакъюдар чпин терефназди хъчІюхюзра гъахънийи. Гъаддиз Гирами Рюгъну алдакувалихъан чпи уьрхюз ва марцици шадлугънаъ Чан гирами нурарихъ чпи дерккуз удукъру Аллагъдин чпин вари умудар илирчуз ва Гъадгъаз аьгътлуди гъузуз дих апІура.

КучІлар деетрудариз жаза ккилибгура

1 ¹Иса Месигъдин гъуллугънаъ айи Якъубдин гъардаш Ягъудайи Адаш Аллагъдиз масан вуйи ва Иса Месигъди уьрхюрайи дих дапІнайидариз саламар хътаура.

²Уж'вал, мясляаьт ва масанвал гъубкІну ибшривчуз!

³Йиз ккунидар, гъеле узуз ихъ сатІлан вуйи уьрхюваликан би-кІуз гизаф ккунди ашра, саб ражари ва гъаргандиз Аллагъдин гирами халкъдиз тувнайи хъугъвалиан женг гъабхуз аьшкъ капІру кагъаз учвуз бикІуб лазим вуди гъисаб апІураза. ⁴Суддин йигъаз ухдихъанмина кадагънайи адмийир ичв арийриъ жиниди



учІвра. Гьадму аллагьсузари ихь Аллагьдин уж'вал чпин чиркин-валариз дюз гьюрубси илбицура ва гьамци дурари Иса Месигь-дихьан, сар ихь Гьюкумдарихьан ва Агьайихьан маш гьибциура.

⁵Узуз кІваин апІуз ккундузуз, учвуз гьацира вари аьгьяшра: Агьайи Чан халкъ саб вахтна, Египетдин жиларилан алдаьну, гьюрхнийи, хьасин дурарикан хьтругьрудар пуч гьапІнийи. ⁶Узуз гьацира малайикариканра кІваин апІуз ккундузуз: дурарихьан чпиз туву гьюкум уьбхюз гьабхьундаи ва чпи яшамиш шулайишвар гатІахьнийи. Агьайи дурар, суд апІру зурба Йигь гьайиз, гьаммишандин зунжрарихьди мучІушнаь уьрхюра. ⁷Гьаму малайикарси, Содомна Гомора, дурарин гьирагьарихь хьайи жара шагьрарси, гизаф къяппйирра ва ягьсузарра гьаргандин цІиь ургру жазайиз, гьи ухьуз дарс хьпан бадали, тувдар вуйи.

⁸Чпин нивкІариин элььну, чпин жанар чиркин апІурайидарра гьацдар адмийириз ухшар ву. Дурари Агьайин гьюкум тина апІура ва аьршарин къудратариз люкьнар апІура. ⁹Гьеле аьхюну малайик Жабраиликъана, иблисдихьди Мусайин бедендикан гьюжатар апІурайи вахтна, дидиз люкьнар гьапІундаи. Дугьу дидиз, анжагь гьамцитІан гьапундаи: «Гьит Агьайи увуз жаза гьадабтІри!» ¹⁰Хьа гьаму касари чпи гьавриь адрубдиз люкьнар апІура. Дурариз саб аьгья – чпин табиаьт. Вари гьамди дурар, фагьумсуз гьайванатарси, пуч апІура. ¹¹Дердна хажалат ибшри чпиз! Дурар Каиндин рякъюьди гьушну. Девлет ккунди дурар, Баламси, улдугнийи. Корей кІули ади къаршу гьедергдар фици пуч гьапІнийиш, дурарра гьаци йихиди. ¹²Ичв масанвалин шадлугьариь му касар ккеьнайи сулариз барабар ву. Дурар гьич саб гучІ адарди, суфраийихь, чпин гьайгьушнаьтІан адарди, деьру. Мурар микІари гьирчнайи мархь ктру дифарси ву. Чвну, бе-гьер дархури, ерццуру, хьа къабарианзина кчІюгьру, къюб ражари пуч шлу гьарарси ву. ¹³Гьюлин вягьши лепйирси, дурар, чпин ягьсуз ляхнар, чиркин кафси, зиина алдаьрудар ву. Дурар аьсрариан-аьсрариз пис мучІушназ гьязур дапІнайи, улдугну завариь уьргьнайи хьдар ву.

¹⁴Адамдихьанмина ургурпи насилди гьаши Енухди гьамрарикан гьапнийиштІан гьамцдар пайгьамбарвалин гафар:

«Магьа, Агьа гьафну.

Дугьахьди агьзрар-агьзрариинди



гирамидарра хъа.

- 15 Дугъу варидарин суд апИиди,
 вари аллагъсузари
 гъапIу аллагъсуз ляхнар
 ашкар апИиди,
 ва, Исайиз къаршуди гъапи
 нягъякъ гафариз дилигну,
 аллагъсуз гунагъкрарин
 суд апИиди».

16 Думу адмийирин ушв рабхбакан сикин дар. Дурар чпин къисматнакк аьсси духъна. Дурар чпин тямгъярин хилиъ аьжуз духъна. Дурар, чпин авазйир апIури, гъючIвру ва чпиз хайир-нахъди, сар шлин-вушра тярифар апIури, хъюгъру.

17 Хъа учву, йиз ккунидар, ихъ Агъа Иса Месигъдин вакилари улихъмиди гъапи гафар кIваин апIинай. 18 Дурари учвуз гъапнийи:

«Аьхиримжи вахтари кялхърудар,
 намуссуз тямгъяр ади, ккуниб апIури,
 арайиз удучIвиди».

19 Гъамрари адмийир жара апИиди. Гъамрар жандин хилиъ аьжуз духънайидар ву. Мурариз Рюгъ адар. 20 Хъа учву, йиз ккунидар, ичв гирами хъугъувал артмиш апIинай, Гирами Рюгънаъди ккарагай. 21 Ихъ Агъа Иса Месигъди Чан ужувлиинди ухъуз тувру гъаргандин уьмриз ккилигури, Аллагъдин масанвалиъ гъузай.

22 Шаклу духънайидариз ужувлар апIинай; 23 саспидар, цIигъян гъючIюгъюри, уьрхъай; хъа тмундариз ичв рягъимлу юкIвар улупай, аммаки, дурарин тIулари чиркин гъапIу палтарра кмиди даккун апIури, ихтиятди гъузай.

24 Учву алдакуз Гъидритруриз, Чан улихъ учву марцциди ва лап шадди дерккуз Шлуриз – 25 сар Аллагъдиз, ихъ Агъа Иса Месигъдиланмина ухъу Гъюрхюрис, гъит, ад, зурбавал, къудрат ва гъюкум, дюн'я ккебгъайизра, гъамусра, ва гъамусдихъантина гъаммишандиз ибшри! Амин.